



Stuart Williams, il trenaer da l'equipa dals Valis, surdat a la guida dal viadi Josy Bonolini ina regurdientscha da l' inscunter da las duas equipas.



L'equipa dals Valis.

FOTOS MAD

# Cultura ballape rumantsch – l'uniun CBR a Cardiff

■ (cp) La sonda passada ha la squadra da ballape rumantscha dà dus gieus amicabels a Cardiff encunter la seleccziun valisica. L'emprim gieu han ils Rumantschs gudagnà cun 4:3, il segund è i a fin pari 1:1. L'inscunter cun la minoritad dals Valis è la segunda activitad da l'uniun CBR ch'è vegnida fundada la primavaira 2013. Avant dus onns ha l'equipa rumantscha già partì ina emna il medem quartier cun la delegaziun dals Valis a chaschun da l'Europa da 2012 a Bautzen en Germania. Là en simpatias ed amicizias naschidas e sin fundament da talas ha l'uniun CBR contactà ils Valis per organisar communablamain in inscunter cultural e sportiv. Quest ha già lieu dals 3 fin ils 6 da fanadur a Cardiff, la chapitala da la Valisa.

Il venderdi ha l'equipa da ballape rumantscha fatg in trenaerment sut l'egida dad *Eros Bonolini*. L'areal da ballape ch'è spezialisà per equipas da tschintg ubain set giugaders è stà ideal per in trenaerment intensiv. Part dal program dal suenter-

mezdi ha ina visita guidata en il Cardiff City Stadium fatg.

L'inscunter cun l'equipa dals Valis ha già lieu sonda suentermezdi. Ils Rumantschs avevan già battì tala a l'Europa da 2012 cun 1:0. Cunquai che l'equipa rumantscha è arrivada a Valisa cun 26 giugaders ha quella pudì furmar duas equipas. La furmaziun cotschna ha gudagnà encunter ils Valis 4:3 en in gieu gulin e cumbattant; la furmaziun alva ha giugà pari 1:1 encunter la medema equipa. Omadus gieus han cuzzà 60 minutas, e malgrà la voluntad da gudagnar è la fairness stada scretta grond.

Rumantschs e Valis en s'entupads en pubs per mirar comunablamain gieus dal campinadi mundial, per viver la cultura dals Valis, per chantar e celebrar comunablamain il status da minoritad. Il chantautur rumantsch *Pascal Gamboni* che ha era giugà cun l'equipa rumantscha ha procurà cun «Unics», «Cadrega» ed autras chanzuns da sia plima per musica rumantscha a Cardiff.



La furmaziun alva dals Rumantschs.



Enstagl dad ina bandieretta ha il CBR surdà in cristagl als Valis sco regurdientscha al gieu amicabel.



L'equipa rumantscha en acziun.



La furmaziun cotschna dals Rumantschs.